



Universitätsbibliothek Paderborn

**Sapientissima Dei Mvndvm Regentis Gvbernatio; Ex qua
pendent, quæ vulgò in Casv, Fortvna, Fato, Esse Pvtantvr**

Stengel, Georg

Ingolstadii, 1645

§. 13. Neq[ue] homines semper dubitare, quando per modum dubitantium
loquuntur.

[urn:nbn:de:hbz:466:1-52314](https://nbn-resolving.de/urn:nbn:de:hbz:466:1-52314)

22 Cap. I. *Quid non sit, vel sit*

Iliad. 6. *ne posuerunt. Quod etiam Homeri exemplo docetur.*

§. XIII.

Neg, homines semper dubitare, quando per modum dubitantium loquuntur.

Cur autem Deus quoque hac loquendi formula subinde vtatur, præter caussas, quas modò attigi, tradit D. Gregorius, quando Deus dubitantis in morem loquitur, mysterium subesse, vult enim innuere, vel voluntatis nostræ libertatem, cui nimis diuina voluntas, aut præscientia non imponit necessitatem, aut difficultatem rei: vel paucitatem facientium id, quo de agitur. Quòd si homo aliquis dubitanter loquatur, obseruandum est, an rès sit eiusmodi, vt turpe sit, illum de ea dubitare. Nam

Act. 8. 22. quando Petrus ad Simonem dixit: *Poenitentiam age ab hac nequitia tua: Et roga Deum, si forte remittatur tibi hac cogitatio cordis tui,* non dubitauit de remissione culpæ; cum ea ipsa sententia ostenderit, spem veniæ & poenitentiæ locum nemini esse negandam. Iubet enim poenitentiam agere eum, quem, vt S. Ambrosius ait, *per magicam vanitatem, blasphemantem, in Spiritum Sanctum, Et puram fidei conscientiam non habentem, Apostolica iam*

S. Ambros. loc. cit. & S.

ca iam auctoritate condemnauerat. Igitur non dubitauit de misericordia Dei Petrus, si Simon ageret pœnitentiam: cum, præcipue si hæc adsit, valde æquum sit, ut peccatoriæ sua culpa remittatur; neque dubitari fas sit de eo, quod adeò asseueranter affirmat Deus dicens: *Conuertimini ad me, & ego conuertar ad vos.* Quia itaque de hoc Petrus non potuit dubitare, cur ait, *si forte remittatur tibi?* Nempe quia dubitare potuit, an vera esset futura Simonis & pœnitentia, & oratio; itemque, quod attinet ad pœnam, tantus futurus esset dolor, ut totius pœnae remissionem mereretur. Quod si vero neque homines, cum videntur dubitanter loqui, semper dubitant, quanto minus Deus, quem nihil latet? Nimirum hoc est inter hominem ac Deum discriminem: homo, quia mentiri potest, multa, de quibus dubitat, pro certis affirms; Deus, qui nec fallere potest, nec falli, etsi omnia certissimè nouit, tamen, ut se se homini accommodet, loqui dignatur, per modum, dubitantis; certus ipse, quid in utramque partem euenturum sit; immo ita caussas secundas, juxta earundem naturas, disponens, & complicans, ut sit futurum.

August.
lib. de
vera &
falsa Pœ:
nit. c. 3.

Zach. i. 3.

Ribera in
Ioëlem
cap. 2, à
num. 22.